



Broj: 01,02-50-16-1091-3,5/20
Sarajevo, 7. 7. 2020.

Na osnovu člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine («Službeni glasnik BiH», broj 37/03), člana 43. i člana 44. Zakona o zaštiti ličnih podataka («Službeni glasnik BiH», br. 49/06 i 76/11) i Odluke o raspisivanju javnog konkursa, broj: 01,02-50-16-1091-2,4/20, od 25.6.2020. godine, Privremena zajednička komisija oba doma Parlamentarne skupštine Bosne i Hercegovine za provođenje procedure imenovanja direktora Agencije za zaštitu ličnih podataka u Bosni i Hercegovini r a s p i s u j e

JAVNI KONKURS

Za provođenje procedure za izbor kandidata za

direktora

Agencije za zaštitu ličnih podataka

u Bosni i Hercegovini

1/01 Direktor Agencije za zaštitu ličnih podataka u Bosni i Hercegovini

Broj izvršilaca: 1 (jedan)

Opis poslova i radnih zadataka: predstavlja Agenciju za zaštitu ličnih podataka u Bosni i Hercegovini (u daljem tekstu: Agencija); izrađuje godišnji plan rada prema smjernicama predsjedavajućeg Savjeta ministara Bosne i Hercegovine te godišnji budžet Agencije i predlaže ih za usvajanje Savjetu ministara Bosne i Hercegovine; upravlja i usmjerava poslove iz nadležnosti Agencije; predlaže nadležnom organu pokretanje pregovora vezanih za zaključenje međunarodnih sporazuma o saradnji u vezi sa pitanjem zaštite ličnih podataka; obavlja stalne analize radi racionalnog rasporeda zaposlenih i tehničkih sredstava. Direktor obavlja i druge poslove kao što su: predlaže Savjetu ministara Bosne i Hercegovine pravilnik o unutrašnjoj organizaciji, uključujući ukupan broj zaposlenih i kriterijume za popunu, druge pravilnike i druge propise predviđene zakonom, u skladu sa Zakonom o ministrastvima i drugim organima Bosne i Hercegovine; imenuje rukovodioce organizacionih jedinica Agencije; dodjeljuje zadatke pomoćnicima direktora, u skladu sa zakonom; odlučuje o pravima i dužnostima iz ove oblasti; nabavlja opremu i druga materijalna sredstva za potrebe Agncije; podnosi godišnji izvještaj o radu Savjeta ministara Bosne i Hercegovine, a po potrebi ili na zahtjev ministra,

podnosi i posebne izvještaje; dostavlja izvještaje Parlamentarnoj skupštini Bosne i Hercegovine i Savjetu ministara Bosne i Hercegovine; obavlja i druge dužnosti propisane zakonom. Direktor je odgovoran za zakonit rad Agencije i za zakonito trošenje sredstava dodijeljenih Agenciji iz budžeta institucija Bosne i Hercegovine i međunarodnih obaveza Bosne i Hercegovine.

Mandat:

Javni konkurs raspisuje se za izbor direktora, na period od pet godina.

Direktor je za svoj rad odgovoran Parlamentarnoj skupštini Bosne i Hercegovine.

1. Opšti uslovi

Kandidat za direktora Agencije za zaštitu ličnih podataka mora ispunjavati sljedeće opće uslove:

- da je stariji od 18 godina;
- da je državljanin Bosne i Hercegovine;
- da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere, u periodu od tri godine prije dana objavljivanja upražnjene pozicije;
- da protiv njega nije pokrenut krivični postupak za krivično djelo za koje je predviđena kazna zatvora tri i više godina;
- da se na njega ne odnosi član IX. 1. Ustava BiH;

2. Posebni uslovi

Pored općih uslova, kandidat za direktora mora ispunjavati i sljedeće posebne uslove, i to:

- obrazovanje diplomiranog pravnika, visoka stručna sprema (VII. stepen obrazovanja, odnosno bolonjskog sistema studiranja, sa ostvarenih 240 ETCS bodova);
- pet godina radnog iskustva na poslovima rukovođenja u upravi;
- dokazano iskustvo u oblasti poštivanja ljudskih prava;
- priznat visok moralni status
- položen stručni upravni ispit

3. Potrebni dokumenti

Uz prijavu na javni konkurs, kandidat je dužan priložiti:

1. biografiju (CV) sa adresom, *e-mail* adresom i brojem telefona;
2. uvjerenje o državljanstvu BiH (ne starije od šest mjeseci);
3. ovjerenu kopiju fakultetske diplome (nostrificiranu diplomu ako fakultet nije završen u BiH ili je diploma stečena u nekoj drugoj državi nakon 6. 4. 1992.), odnosno dokaz o zvanju diplomiranog pravnika;
4. dokaz o traženom radnom iskustvu na rukovodećim poslovima u odgovarajućoj oblasti, izdat od relevantne institucije;
5. dokaz da se protiv njega ne vodi krivični postupak za krivično djelo za koje je predviđena kazna zatvora tri i više godina (ne stariji od tri mjeseca);
6. izjavu da nije otpušten iz državne službe u institucijama BiH, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije (ovjerenu od nadležnog organa);
7. izjavu da se na njega ne odnosi član IX. 1. Ustava BiH (ovjerenu od nadležnog organa).

Dokumenti se dostavljaju u originalu ili ovjerenoj kopiji.

4. Napomene za sve kandidate

- Dokumenti priloženi uz prijavu na javni konkurs neće se vraćati kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara BiH i drugim imenovanjima Bosne i Hercegovine.

- Komisija će provesti proceduru u skladu sa Zakonom o ministarskim imenovanjima, imenovanjima Vijeća ministara BiH i drugim imenovanjima Bosne i Hercegovine.

- Nakon provedenog Javnog konkursa, kandidate koji budu ispunjavali uslove Komisija će pozvati na intervju.

- Cilj intervjuja je da se utvrdi stručnost i osposobljenost kandidata za obavljanje poslova te krajnja i sveukupna ocjena kandidata.

- Prije intervjuja, svaki kandidat dužan je Komisiji za izbor dati podatke o ranijim neposrednim rukovodiocima od kojih se mogu dobiti preporuke i informacije o kandidatu, te popuniti obrazac-izjavu u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

- Nakon intervjuja, Komisija će prijedlog rang-liste dostaviti Predstavničkom domu i Domu naroda Parlamentarne skupštine BiH radi imenovanja direktora Agencije za zaštitu ličnih podataka u Bosni i Hercegovini.

5. Način i rok podnošenje prijava

Javni konkurs objavljuje se u «Službenom glasniku BiH», «Službenom glasniku Brčko Distrikta BiH» i na web-stranici Parlamentarne skupštine Bosne i Hercegovine www.parlament.ba (Sekretarijat/Oglasi/konkursi/interno), te obavještenje o javnom konkursu u dnevnim listovima: „Glas Srpske“, „Oslobođenje“ i „Večernji list“.

Javni konkurs ostaje otvoren 15 dana od dana objavljivanja u „Službenom glasniku BiH“.

Prijave s traženim dokumentima dostavljaju se lično ili poštom preporučeno, uz upozorenje „ne otvarati“, na adresu:

Parlamentarna skupština Bosne i Hercegovine

**Privremena zajednička komisija oba doma Parlamentarne skupštine
Bosne i Hercegovine za provođenje procedure imenovanja
direktora Agencije za zaštitu ličnih podataka u Bosni i Hercegovini**

**«JAVNI KONKURS za provođenje procedure za izbor kandidata za direktora
Agencije za zaštitu ličnih podataka u Bosni i Hercegovini » s naznakom**

„NE OTVARATI“

71000 Sarajevo, Trg BiH br. 1.

NAPOMENA * Neblagovremene, nepotpune i neuredne prijave neće biti razmatrane